

استجواب

ألا قول لي يا اسمك ايه

نفسى أفهم قصدك ايه

غاوى تقتل غاوى تحرق

ناوى تعمل تانى ايه؟

الى وزك كام دفعلك

الشهيد كان ذنبه ايه

واليتامى والثكالى

الوطن كان ذنبه ايه

قول لي دينك ليه قلعته

فين ضميرك بعته ليه

ليه شيطان الزيف سمعته

ليه طاوعته

وبعمالك خدت ايه

فهموك انك مجاهد
انت عين الحق ذاته
فهموك الحق باطل
فهموك الزيف بطولة
شربوك كاس الجهالة
شربت ليه؟
افترض عقلك رجع لك
الندم هايفيد بآيه
ألا قولي
نسيت اقول لك
البعيد يبقى اسمه ايه؟